



2703

3036

РБ 0

Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-05-33857-1.1/19
Sarajevo, 19.09.2019. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 – Novi prečišćeni tekst, 37/14 – Ispravka), Vlada Kantona Sarajevo na 38. sjednici održanoj 19.09.2019. godine, donijela je sljedeći

ZAKLJUČAK

1. Prihvata se Informacija Ministarstva za obrazovanje, nauku i mlade Kantona Sarajevo povodom pokrenute zastupničke inicijative, zastupnika Elvisa Vrete "za izmjene i dopune odluke o uplati sredstava za realizaciju usluga Ministarstva za obrazovanje, nauku i mlade i budžetske korisnike iz nadležnosti ministarstva "Službene novine Kantona Sarajevo", broj: 24/17 i "Službene novine Kantona Sarajevo", broj: 19/19, strana 22".
2. Odluka o uplati sredstava za realizaciju usluga Ministarstva za obrazovanje, nauku i mlade i budžetske korisnike iz nadležnosti Ministarstva ("Službene novine Kantona Sarajevo", br:24/17 i 19/19) ostaje u primjeni u dosadašnjem tekstu.



PREMIJER

Edin Forto

Dostaviti:

1. Predsjedavajući Skupštine Kantona Sarajevo
2. Zamjenica predsjedavajućeg Skupštine Kantona Sarajevo, gđa. Danijela Krišić
3. Skupština Kantona Sarajevo
4. Premijer Kantona Sarajevo
5. Ministarstvo za obrazovanje, nauku i mlade Kantona Sarajevo
6. Evidencija
7. Arhiva



web: <http://vlada.ks.gov.ba>
e-mail: ssv@ssv.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Informacija

Ministarstva za obrazovanje, nauku i mlade Kantona Sarajevo povodom pokrenute zastupničke inicijative, zastupnika Elvisa Vrete „za izmjene i dupune odluke o uplati sredstava za realizaciju usluga Ministarstva za obrazovanje, nauku i mlade i budžetske korisnike iz nadležnosti /SlnKS br: 24/17 i Sln KS br:19/19, strana 22.“

U skladu sa Dopisom Skupštine Kantona Sarajevo, broj: 01-05-28145-78/19 od 29. 08. 2019. godine, koji smo zaprimili povodom pokrenute zastupničke inicijative, zastupnika Elvisa Vrete „za izmjene i dupune odluke o uplati sredstava za realizaciju usluga Ministarstva za obrazovanje, nauku i mlade i budžetske korisnike iz nadležnosti ministarstva /SlnKS br: 24/17 i Sln KS br:19/19, strana 22.“, dostavljamo Informaciju za Vladu Kantona Sarajevo po pokrenutoj zastupničkoj inicijativi na razmatranje.

U Inicijativi imenovani zastupnik između ostalog navodi da u skladu sa Poslovníkom Skupštine Kantona Sarajevo upućuje Vladi Kantona Sarajevo, tačnije resornom ministarstvu inicijativu za izmjene i dopune o uplati sredstava za realizaciju usluga Ministarstva za obrazovanje, nauku i mlade i budžetske korisnike iz nadležnosti Ministarstva i predlaže da se Odluka izmjeni i dopuni u članu II, stav (3) pod d, e i g:

d) registracija autoškole za poslove osposobljavanja iz poznavanja propisa o sigurnosti saobraćaja na putevima2.000KM umanjiti za 1.700KM na iznos od 300KM,

e) registracija autoškole za poslove osposobljavanja iz upravljanja motornim vozilom B kategorije i odgovarajuće potkategorije5.000KM umanjiti za 4.300 na iznos od 700KM,

g) registracija autoškole za poslove osposobljavanja iz poznavanja propisa o sigurnosti saobraćaja na putevima i upravljanja motornim vozilom B kategorije i odgovarajuće potkategorije7.000KM umanjiti za 6.000 na iznos od 1.000KM.

U obrazloženju zastupnik između ostalog navodi da uzimajući u obzir da u postupku pokretanja procedure za otvaranje autoškole u polju potrebne dokumentacije se ne spominje kao uslov trošak pokretanja djelatnosti u vidu registracije od 2.000, 5.000 i 7.000KM u zavisnosti od vrste zahtjeva. Od podnosioca zahtjeva traži se da nakon izdatog rješenja, prilikom preuzimanja ovjerenih cjenovnika i matične knjige, uplati navedeni iznos.

Inicijativu pokreće da se pristupi izmjenama navedene odluke kako bi se bespotrebni fiskalni nameti sveli na minimum.

Opredjeljenje sadašnje Vlade Kantona Sarajevo je ukidanje, smanjenje administrativnih prepreka kao i troškova pokretanja za neke od djelatnosti, kako bi se privreda razvijala uz što manje birokratskih procedura i finansijskog opterećenja, a što u konačnici treba da rezultira povećanim brojem uposlenih. Smatra da je ovo jedan od takvih primjera i da treba hitno reagovati, te da nije opravdano pored svih propisanih procedura dodatno za registraciju djelatnosti tražiti novčana sredstva u iznosima koji su navedeni, koji su nesrazmjerno veliki u odnosu na regiju kao i unutar BiH.

Ministarstvu u prilogu Inicijative nije dostavljena analiza po pitanjima procedura i troškova za otvaranje autoškola u regiji kao i uporedni podaci unutar BiH i kantona, koju zastupnik navodi u daljem tekstu svog obrazloženja.

Na kraju zastupnik traži da Vlada u što kraćem roku održi sjednicu, razmotri i izmjeni navedenu odluku na osnovu pokrenute inicijative.

Na osnovu naprijed navedenog da se zaključiti da je Ministarstvo za obrazovanje, nauku i mlade Kantona Sarajevo detaljno izvršilo uvid u svaku navedenu riječ u Inicijativi i obrazloženju Inicijative i daje podatke sa kojim raspolaže, kako bi Vlada Kantona Sarajevo mogla sagledati opravdanost naprijed navedenih novčanih iznosa koji su sadržani u Odluci o uplati sredstava za realizaciju usluga Ministarstva za obrazovanje, nauku i mlade i budžetske korisnike iz nadležnosti Ministarstva („Službene novine Kantona Sarajevo“, br.: 24/17 i 19/19).

Prije svega neophodno je reći da u Kantonu Sarajevo postoji ukupno 83 registrovane autoškole. Smatramo da je ovaj broj autoškola veći nego što je stvarna potreba u Kantonu Sarajevo. Obzirom da ne postoji zakonski osnov koji bi ograničio broj autoškola u Kantonu Sarajevo, kao i to da su se u prošlosti dešavale zloupotrebe prilikom otvaranja autoškola, Ministarstvu za obrazovanje, nauku i mlade Kantona Sarajevo, u bliskoj prošlosti, obratilo se Udruženje autoškola Kantona Sarajevo, sa zahtjevom da se na neki način zaštite poslodavci koji transparentno i pošteno obavljaju svoje poslove.

Naime dešavalo se da pojedini vlasnici autoškola, koje su bile registrovane kao obrtničke djelatnosti, zatvore autoškole i odmah nakon toga ponovo otvore novu autoškolu uz blago izmijenjen naziv ili dodavanje nekog prefiksa na prethodni naziv autoškole, i za registraciju nove autoškole plate iznos od samo 700,00KM. Pri tome su u novu autoškolu prenosili sva vozila, sve zaposlene, kao i isto sjedište iz prethodne autoškole. Sumnjalo se da vlasnici ovih autoškola kada dostignu PDV prag, odnosno godišnji promet blizu 50.000,00KM, kako bi izbjegli plaćanje istog, zatvore obrtničku djelatnost i otvore novu, na taj način izbjegavajući plaćanje poreza prema državi, a uz nisku cijenu otvaranja nove autoškole što im nije bio problem platiti.

Na prijedlog udruženja autoškola Kantona Sarajevo dogovoreno je da se cijena registracije poveća, kako bi se pomenuta praksa otvaranja i zatvaranja autoškola prekinula, kao i da se buduće novootvorene autoškole na ovaj način natjeraju da ozbiljno pristupe budućem malom biznisu, jer je cilj bio da svi oni koji se ne misle ozbiljno baviti ovim društveno korisnim poslom i ne počinju sa istim.

Napravljena je kalkulacija cijene otvaranja nove autoškole od 5.000,00, koju bi sve nove autoškole morale platiti, a razlog je bio uvođenje reda i sprječavanja malverzacija u ovoj oblasti. Iznos od 700,00KM koji je bio na snazi tada, i koji se i sada predlaže, ponovo bi vratio mogućnost zloupotreba na štetu Kantona Sarajevo i države Bosne i Hercegovine. Takođe bi se napravila nepravda prema svim onim koji su već platili pomenuti iznos za registraciju nove autoškole. U startu bi se omogućio neozbiljan pristup

poslu gdje bi mnogi pokušali da otvore autoškolu ne misleći pri tome na dugogodišnji rad, već samo kratkoročno kako bi na brz način zaradili novac na račun Kantona i države BiH, ne vodeći pri tome računa o kvalitetu obuke i potrebnim znanjima novih vozača koja su neophodna za samostalno upravljanje vozilom. To bi se indirektno odrazilo i na bezbjednost saobraćaja, a koja uvijek može biti bolja.

Mišljenja smo da su sadašnje cijene registracije autoškole, učinile da danas imamo situaciju da se ne vrši zloupotreba otvaranja i zatvaranja autoškola, i da svi oni koji se odluču za otvaranje nove autoškole, ozbiljno pristupaju ovom poslu.

Treba napomenuti da Ministarstvo za obrazovanje, nauku i mlade Kantona Sarajevo, i pored navedenih cijena otvaranja autoškola, veoma često dobija zahtjeve za otvaranje novih autoškola, što predstavlja i značajan prihod u Budžetu Kantona Sarajevo.

Mišljenja smo da ne treba vršiti korekciju sadašnje cijene otvaranja novih autoškola, jer na ovaj način se štiti kvalitet kompletnog sistema osposobljavanja kandidata za vozače, interes svih onih koji žele pošteno i transparentno da se bave ovim poslom ne izbjegavajući svoje obaveze i tražeći zakonske propuste kako bi ostvarili samo svoju ličnu korist a na štetu države Bosne i Hercegovine i Kantona Sarajevo.

Zato predlažemo da Vlada Kantona Sarajevo prihvati Iniformaciju Ministarstva za obrazovanje, nauku i mlade Kantona Sarajevo povodom pokrenute zastupničke inicijative, zastupnika Elvisa Vrete „za izmjene i dupune odluke o uplati sredstava za realizaciju usluga Ministarstva za obrazovanje, nauku i mlade i budžetske korisnike iz nadležnosti /SlnKS br: 24/17 i Sln KS br:19/19, strana 22.“ i da Odluka o uplati sredstava za realizaciju usluga Ministarstva za obrazovanje, nauku i mlade i budžetske korisnike iz nadležnosti Ministarstva („Službene novine Kantona Sarajevo“, br.: 24/17 i 19/19) ostane u primjeni u dosadašnjem tekstu.

Prilozi:

- Dopis Skupštine Kantona Sarajevo, broj: 01-05-28145-78/19 od 29. 08. 2019. godine, sa prilogozima Inicijativom, zastupnika Elvisa Vrete „za izmjene i dupune odluke o uplati sredstava za realizaciju usluga Ministarstva za obrazovanje, nauku i mlade i budžetske korisnike iz nadležnosti ministarstva /SlnKS br: 24/17 i Sln KS br:19/19, strana 22.“, i Odlukom o uplati sredstava za realizaciju usluga Ministarstva za obrazovanje, nauku i mlade i budžetske korisnike iz nadležnosti Ministarstva („Službene novine Kantona Sarajevo“, br.: 24/17 i 19/19).
- Članovi 26. i 28. Zakona o Vladi Kantona Sarajevo,
- CD sa snimljenim materijalom.

Bosna i Hercegovina
Federacija Bosne i Hercegovine
SKUPŠTINA KANTONA
SARAJEVO



Босна и Херцеговина
Федерација Босне и Херцеговине
СКУПШТИНА КАНТОНА
САРАЈЕВО

Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

Z. Džurmi

10026

Ljilja Petić

Broj:01-05-28145-78/19
Sarajevo, 29.08.2019. godine

VLADA KANTONA SARAJEVO
n/r premijera

MINISTARSTVO ZA OBRAZOVANJE,
NAUKU I MLADE

Zastupnik Elvis Vreto je dana 29.08.2019.godine pokrenuo zastupničku inicijativu "za izmjene i dopune odluke o uplati sredstava za realizaciju usluga Ministarstva za obrazovanje, nauku i mlade i budžetske korisnike iz nadležnosti ministarstva /SlnKS br :24/17 i Sln KS br : 19/19 strana 22".

Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovnika Skupštine Kantona Sarajevo („Službene novine Kantona Sarajevo“- broj 41/12 - Drugi novi prečišćeni tekst, broj 15/13 i 47/13,47/15,48/16) u pisanom obliku, obavijestite Skupštinu o učinjenom.

Prilog: Zastupnička inicijativa Elvise Vrete

CO:
-sekretar SKS
-sekretar Vlade Kantona



PREDSJEDAVAJUĆI
SKUPŠTINE KANTONA SARAJEVO

Elmedin Konakovic

Pripremila: Jasminka Deliahmetović



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax:+ 387 (0) 33 562-210
Sarajevo, Reisa Džemaludina Čauševića 1



Elvis Vreto

Zastupnik u Skupštini Kantona Sarajevo

Broj: ____/19

Sarajevo, 28.08. 2019.

Dostaviti:
Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

Uputiti: **Vlada Kantona Sarajevo**
Premijer g-din Edin Forto
Ministrastvo obrazovanja, nauke i mladih

PREDMET: INICIJATIVA

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12), Vladi Kantona Sarajevo, tačnije resornom ministarstvu. upućujem inicijativu za *izmjene i dopune odluke o uplati sredstava za realizaciju usluga Ministrastva za obrazovanje, nauku i mlade i budžetske korisnike iz nadležnosti ministrastva /SlnKS br :24/17 i Sln KS br : 19/19 strana 22*

Prijedlog za izmjene i dopune Odluke u Članu II, stav (3) pod d, e i g :

d) registracija autoškole za poslove osposobljavanja iz poznavanja propisa o sigurnosti saobraćaja na putevima2.000 KM umanjiti za 1.700KM na iznos od 300 KM

e) registracija autoškole za poslove osposobljavanja iz upravljanja motornim vozilom B kategorije i odgovarajuće potkategorije5.000 KM umanjiti za 4.300 na iznos od 700 KM

g)registracija autoškole za poslove osposobljavanja iz poznavanja propisa o sigurnosti saobraćaja na putevima i upravljanja motornim vozilom B kategorije i odgovarajuće potkategorije.....7.000 KM umanjiti za 6.000 na iznos od 1.000 KM

O B R A Z L O Ž E N J E:

Uzimajući u obzir da u postupku pokretanja procedure za otvaranje autoškole u polju potrebne dokumentacije ne spominje se kao uslov trošak pokretanja djelatnosti u vidu registracije od 2.000, 5.000 i 7.000 KM u zavisnosti od vrste zahtjeva.

Od podnosioca zahtjeva traži se da nakon izdatog rješenja, prilikom preuzimanja ovjerenih cjenovnika i matične knjige, uplati navedeni iznos.

Pokrećem inicijativu da se pristupi izmjenama navedene odluke kako bi se bespotrebni fiskalni nameti sveli na minimum.

troškova pokretanja za neke od djelatnosti, kako bi se privreda razvijala uz što manje birokratskih procedura i finansijskog opterećenja a što u konačnici treba da rezultira povećanim brojem uposlenih. Smatram da je ovo jedan od takvih primjera i da treba hitno reagovati te da nije opravdano pored svih propisanih procedura dodatno za registraciju djelatnosti tražiti novčana sredstva u iznosima koji su navedeni, koji su nesrazmjerno veliki u odnosu na regiju kao i unutar BiH.

U prilogu Vam dostavljam dokument, analizu po pitanju procedura i troškova za otvaranje autoškola u regiji kao i uporedne podatke unutar BiH i Kantona.

Na strani 3 (tabela 1) može se uočiti da Kanton Sarajevo ima najvišu taksu za otvaranje-registraciju autoškole što ga stvrstava na zadnje mjesto po osnovu konkurentnosti sa stanovišta troškova za pokretanje navede djelatnosti.

Na strani 15 može se uvidjeti šta je sve potrebno za registraciju i pokretanje auto škole u Kantonu Sarajevo kao i ostale kantone u FBiH, entitet RS, što potvrđuje gore navedene tvrdnje kao i opravdanost inicijative.

Tražim da Vlada u što kraćem roku održi sjednicu, razmotri i izmjeni navedenu odluku na osnovu pokrenute inicijative.

S poštovanjem

Elvis Vreto

Zastupnik Naše stranke u Skupštini Kantona Sarajevo

Službene novine Kantona Sarajevo, broj 19/19
Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst, 37/14 - Ispravka), člana 11. Zakona o srednjem obrazovanju ("Službene novine Kantona Sarajevo", broj 23/17) i člana 32. Zakona o osnovnom odgoju i obrazovanju ("Službene novine Kantona Sarajevo", br. 23/17 i 33/17), Vlada Kantona Sarajevo na 17. sjednici održanoj 25.04.2019. godine, donijela je

ODLUKU

O IZMJENI I DOPUNI ODLUKE O UPLATI SREDSTAVA ZA REALIZACIJU USLUGA MINISTARSTVA ZA OBRAZOVANJE, NAUKU I MLADE I BUDŽETSKE KORISNIKE IZ NADLEŽNOSTI MINISTARSTVA

I

U Odluci o uplati sredstava za realizaciju usluga Ministarstva za obrazovanje, nauku i mlade i budžetske korisnike iz nadležnosti Ministarstva ("Službene novine Kantona Sarajevo", broj 24/17), tačka II, se briše i dodaje nova koja glasi:

II

Iznos sredstava za usluge koje realizuje Ministarstvo za obrazovanje, nauku i mlade utvrđuje se kako slijedi:

- (1) Usluge vođenja postupka osnivanja ustanove, odsjeka, pod- organizacione jedinice, odobravanje programa obrazovanja odraslih, akreditacije, polaganje stručnog ispita odgajatelja, nastavnika i stručnih saradnika, nostrifikacija i ekvivalencija javnih isprava:
- a) osnivanje srednje škole, odjeljenja drugih srednjih škola izvan sjedišta škole (odjeljenja škola čije je sjedište izvan Kantona Sarajevo i odjeljenja škola drugih država ili asocijacija država) 3.000 KM
 - b) proširenje djelatnosti kroz osnivanje nove srednje škole izvan sjedišta već osnovane ustanove 1.000 KM
 - c) osnivanje institucije za obrazovanje odraslih 3.000 KM
 - d) odobravanje realiziranja jednog programa obrazovanja odraslih po zahtjevu pravnog subjekta registriranog za djelatnost obrazovanja odraslih 1.000 KM
 - e) osnivanje univerziteta 30.000 KM
 - f) osnivanje visoke škole 20.000 KM
 - g) osnivanje fakulteta (po fakultetu) 20.000 KM
 - h) osnivanje akademije (po akademiji) 20.000 KM
 - i) osnivanje instituta 20.000 KM

k) osnivanje instituta kao podorganizacione jedinice 5.000 KM

l) provjera ispunjavanja uvjeta za uvođenje novog studijskog programa 5.000 KM

m) provođenje postupka institucionalne akreditacije visoko-školske ustanove kao univerziteta 20.000 KM

n) provođenje postupka institucionalne akreditacije visoko-školske ustanove kao visoke škole 15.000 KM

o) provođenje postupka programske akreditacije po studijskom programu 10.000 KM

p) provođenje postupka akreditacije integrisanog studijskog programa I i II ciklusa Studija (I i II ciklus studija) 13.000 KM

r) polaganje stručnog ispita za odgajatelja, nastavnika i stručnog saradnika 250 KM

s) "za nostrifikaciju obrazovnih isprava o završenom osnovnom i srednjem obrazovanju podnosilac zahtjeva uplaćuje 200 KM

t) za ekvivalenciju pojedinačno razreda podnosilac zahtjeva uplaćuje 100 KM

(2) Sredstva za troškove vođenja postupka osnivanja srednje škole kao javne ustanove, za osnivanje institucije za obrazovanje odraslih i za odobravanje realiziranja jednog programa obrazovanja odraslih za osnovne i srednje škole kao javne ustanove planira i osigurava Ministarstvo za obrazovanje, nauku i mlade.

(3) Usluge iz oblasti realizacije Zakona o bezbjednosti saobraćaja na putevima u Bosni i Hercegovini:

a) polaganje ispita za vozača motornih vozila:

1) Ispit iz poznavanja propisa o sigurnosti saobraćaja na putevima 50 KM;

2) Ispit iz poznavanja pružanja prve pomoći 25 KM;

3) Ispit iz upravljanja motornim vozilom:

- A, A1, B i B1 kategorija/potkategorija 60 KM;

- BE, C, C1 kategorija/potkategorija 70 KM;

- D, D1 kategorija/potkategorija 80 KM;

- CE, C1E, DE, D1E kategorija/ potkategorija 90 KM;

- komisijski ispit za A1 i B1 potkategoriju, te A i B kategoriju se uvećava za 10 KM u odnosu na cijenu iz tačke a) ovog člana, a za ostale potkategorije/kategorije cijena se uvećava za 15 KM u odnosu na cijene iz tačaka b), c) i d) ovog člana,

b) kandidat za vozača motornih vozila koji iz trećeg pokušaja ne položi ispit iz propisa o sigurnosti saobraćaja na putevima ili ispit iz poznavanja pružanja prve pomoći, svaki naredni izlazak na ispit snosi troškove u iznosu od:

- Ispit iz poznavanja propisa o sigurnosti saobraćaja na putevima 100 KM

- Ispit iz poznavanja pružanja prve pomoći 50 KM

c) odgoda ispita 10,00 KM

- e) registracija autoškole za poslove osposobljavanja iz upravljanja motornim vozilom B kategorije i odgovarajuće potkategorije 5.000 KM
 - f) za svaku narednu kategoriju i odgovarajuće potkategorije dodatno 100 KM
 - g) registracija autoškole za poslove osposobljavanja iz poznavanja propisa o sigurnosti saobraćaja na putevima i upravljanja motornim vozilom B kategorije i odgovarajuće potkategorije 7.000 KM
 - h) za svaku narednu kategoriju i odgovarajuće potkategorije dodatno 100 KM
 - i) registracija promjene adrese/sjedišta autoškole, odnosno angažovanje novog prostora za potrebe autoškole 90 KM
 - j) registracija angažovanja novog prostora za potrebe autoškole 50 KM
 - k) registracija prijema u radni odnos/odjave instruktora vožnje iz radnog odnos 20 KM
 - l) registracija prijema u radni odnos/odjave predavača teoretske nastave 20 KM
 - lj) registracija zaključivanja/raskida ugovora o izvođenju teoretske nastave 20 KM
 - m) registracija angažovanja novog motornog vozila koje zahtijeva pregled 50 KM
 - n) registracija/prestanak angažovanja novog motornog vozila koje ne zahtijeva pregled angažovanja 20 KM
 - o) ovjera izmjene cjenovnika 20 KM
 - p) prestanak rada autoškole, odnosno brisanje iz Registra autoškola Kantona Sarajevo 100 KM
 - r) izdavanje-zamjene licence u iznosu 40 KM
 - s) polaganje ispita za licence, iz jedne oblasti pojedinačno (propisi, pedagogija, metodika) 150 KM
 - t) polaganje ispita za sticanje zvanja "instruktor":
 - Poznavanje propisa o sigurnosti saobraćaja na putevima 200 KM
 - Saobraćajna psihologija 150 KM
 - Pedagogija - metodika vožnje 200 KM
 - Poznavanje motornih vozila, uređaja i opreme 150 KM
 - Upravljanje motornim vozilom - za A i B kategoriju i odgovarajuće potkategorije 150 KM
- za svaku narednu kategoriju cijena se uvećava za 20% u odnosu na prethodnu.
- u) kandidat za instruktora vožnje iz upravljanja motornim vozilom koji polaže ispit za potkategorije/kategorije D1E, DE, C1E, CE i BE, ispit polaže posebno za svaku kategoriju/potkategoriju - cijena po ispitu 100 KM).
 - prisustvo seminaru - instruktori vožnje 40 KM
 - zamjene dozvole 40 KM

III

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-18393-42/19

25. aprila 2019. godine

Sarajevo

Premijer

Edin Forto, s. r.

Službene novine Kantona Sarajevo, broj 24/17

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo je na 86. sjednici održanoj 15.06.2017. godine, donijela

ODLUKU

O UPLATI SREDSTAVA ZA REALIZACIJU USLUGA MINISTARSTVA ZA OBRAZOVANJE, NAUKU I MLADE I BUDŽETSKE KORISNIKE IZ NADLEŽNOSTI MINISTARSTVA

I

Ovom Odlukom utvrđuju se iznosi sredstava koje su korisnici usluga obavezni uplatiti na Depozitni račun Budžeta Kantona Sarajevo, za usluge koje realizuje Ministarstvo za obrazovanje, nauku i mlade i usluge koje realizuju budžetski korisnici iz nadležnosti Ministarstva za obrazovanje, nauku i mlade (osnovne i srednje škole).

II

Iznos sredstava za usluge koje realizuje Ministarstvo za obrazovanje, nauku i mlade utvrđuje se kako slijedi:

A) usluge vođenja postupka osnivanja ustanove, odsjeka, pod- organizacione jedinice, odobravanje programa obrazovanja odraslih, akreditacije, polaganje stručnog ispita odgajatelja, nastavnika i stručnih saradnika:

- osnivanje srednje škole, odjeljenja drugih srednjih škola izvan sjedišta škole (odjeljenja škola čije je sjedište izvan Kantona Sarajevo i odjeljenja škola drugih država ili asocijacija država) 3.000 KM,
- proširenje djelatnosti kroz osnivanje nove srednje škole izvan sjedišta već osnovane ustanove 1.000 KM
- osnivanje institucije za obrazovanje odraslih 3.000 KM
- odobravanje realiziranja jednog programa obrazovanja odraslih po zahtjevu pravnog subjekta registriranog za djelatnost obrazovanja odraslih 1.000 KM
- osnivanje univerziteta 30.000 KM
- osnivanje visoke škole 20.000 KM
- osnivanje fakulteta (po fakultetu) 20.000 KM
- osnivanje akademije (po akademiji) 20.000 KM

- osnivanje instituta kao podorganizacione jedinice 5.000 KM
- provjera ispunjavanja uvjeta za uvođenje novog studijskog programa 5.000 KM
- provođenje postupka institucionalne akreditacije visokoškolske ustanove kao univerziteta 20.000 KM
- provođenje postupka institucionalne akreditacije visokoškolske ustanove kao visoke škole 15.000 KM
- provođenje postupka programske akreditacije po studijskom programu 10.000 KM
- provođenje postupka akreditacije integrisanog studijskog programa I i II ciklusa Studija (I i II ciklus studija) 13.000 KM
- polaganje stručnog ispita za odgajatelja, nastavnika i stručnog saradnika 250 KM
- Sredstva za troškove vođenja postupka osnivanja srednje škole kao javne ustanove, planira i osigurava Ministarstvo za obrazovanje, nauku i mlade.
- Sredstva za osnivanje institucije za obrazovanje odraslih i za odobravanje realiziranja jednog programa obrazovanja odraslih za osnovne i srednje škole kao javne ustanove planira i osigurava Ministarstvo za obrazovanje, nauku i mlade.

B) usluge iz oblasti realizacije Zakona o bezbjednosti saobraćaja na putevima u Bosni i Hercegovini:

- polaganje ispita za vozača motornih vozila:
 - Ispit iz poznavanja propisa o sigurnosti saobraćaja na putevima 50 KM;
 - Ispit iz poznavanja pružanja prve pomoći 25 KM;
 - Ispit iz upravljanja motornim vozilom:
 - a) A, A1, B i B1 kategorija/potkategorija 60 KM;
 - b) BE, C, C1 kategorija/potkategorija 70 KM;
 - c) D, D1 kategorija/potkategorija 80 KM;
 - d) CE, C1E, DE, D1E kategorija/ potkategorija 90 KM;
 - e) komisijski ispit za A1 i B1 potkategoriju, te A i B kategoriju se uvećava za 10 KM u odnosu na cijenu iz tačke a) ovog člana, a za ostale potkategorije/ kategorije cijena se uvećava za 15 KM u odnosu na cijene iz tačaka b), c) i d) ovog člana.
- kandidat za vozača motornih vozila koji iz trećeg pokušaja ne položi ispit iz propisa o sigurnosti saobraćaja na putevima ili ispit iz poznavanja pružanja prve pomoći, svaki naredni izlazak na ispit snosi troškove u iznosu od
 - Ispit iz poznavanja propisa o sigurnosti saobraćaja na putevima 100 KM.
 - Ispit iz poznavanja pružanja prve pomoći 50 KM.
 - odgoda ispita 10,00 KM
- **registracija autoškole za poslove osposobljavanja iz poznavanja propisa o sigurnosti saobraćaja na putevima 2.000 KM**

- registracija autoškole za poslove osposobljavanja iz poznavanja propisa o sigurnosti saobraćaja na putevima i upravljanja motornim vozilom B kategorije i odgovarajuće potkategorije 7.000 KM;

Za svaku narednu kategoriju i odgovarajuće potkategorije dodatno 100 KM.

- registracija promjene adrese/sjedišta autoškole, odnosno angažovanje novog prostora za potrebe autoškole 90 KM

- registracija angažovanja novog prostora za potrebe autoškole 50 KM

- registracija prijema u radni odnos/odjave instruktora vožnje iz radnog odnosa 20 KM

- registracija prijema u radni odnos/odjave predavača teoretske nastave 20 KM

- registracija zaključivanja/raskida ugovora o izvođenju teoretske nastave 20 KM

- registracija angažovanja novog motornog vozila koje zahtijeva pregled 50 KM

- registracija/prestanak angažovanja novog motornog vozila koje ne zahtijeva pregled angažovanja 20 KM

- ovjera izmjene cjenovnika 20 KM

- prestanak rada autoškole, odnosno brisanje iz Registra autoškola Kantona Sarajevo 100 KM

- izdavanje-zamjene licence u iznosu 40 KM

- polaganje ispita za licence, iz jedne oblasti pojedinačno (propisi, pedagogija, metodika) 150 KM

- polaganje ispita za sticanje zvanja "instruktor":

- Poznavanje propisa o sigurnosti saobraćaja na putevima 200 KM

- Saobraćajna psihologija 150 KM

- Pedagogija - metodika vožnje 200 KM

- Poznavanje motornih vozila, uređaja i opreme 150 KM

- Upravljanje motornim vozilom - za A i B kategoriju i odgovarajuće potkategorije 150 KM, za svaku narednu kategoriju cijena se uvećava za 20% u odnosu na prethodnu.

Kandidat za instruktora vožnje iz upravljanja motornim vozilom koji polaže ispit za potkategorije/kategorije D1E, DE, C1E, CE i BE, ispit polaže posebno za svaku kategoriju/pot- kategoriju - cijena po ispitu 100 KM).

- prisustvo seminaru - instruktori vožnje 40 KM

- zamjene dozvole 40 KM

- ispit za upravljanje mopedom 40 KM

- upisnina za školsku godinu 50 KM

- svi ispiti jednog razreda 150 KM

b) Visina uplate po kandidatu za polaganje vanrednih razrednih ispita za sticanje srednjeg obrazovanja:

- upisnina za školsku godinu 50 KM

- ispit bez pismenog dijela 30 KM

- ispit sa pismenim dijelom 40 KM

- ispit iz praktične nastave 40 KM

- maturski/završni ispit sa praktičnim radom 70 KM

- troškovi praktične nastave - grupacija škola društvenog smjera 7 KM

- troškovi praktične nastave - grupacija tehničkih i ugostiteljsko-turističkih škola (izuzev stručnog zvanja kuhar i slastičar) 20 KM

- troškovi praktične nastave - grupacija umjetničkih škola 20 KM

- troškovi praktične nastave - grupacija škola zdravstvenog smjera (izuzev stručnog zvanja zubotehničar) 30 KM

- troškovi praktične nastave - grupacija srednjih škola mašinske, elektrotehničke, građevinske, grafičke, drvoprerađivačke, poljoprivredno-prehrambene, veterinarske, tekstilne i trgovinske struke 30 KM

- troškovi praktične nastave-grupacija srednjih škola saobraćajne struke 35 KM

- troškovi praktične nastave-stručno zvanje kuhar i slastičar 50 KM

- troškovi praktične nastave-stručno zvanje zubotehničar 100 KM

- troškovi smještaja učenika u đачki dom 260 KM.

IV

Sredstva iz tačke II ove Odluke uplaćuju se na Depozitni račun Budžeta Kantona Sarajevo, sa naznakom budžetske organizacije 2101001 - Ministarstvo za obrazovanje, nauku i mlade, vrsta prihoda 722429 - ostale kantonalne naknade.

Sredstva iz tačke III ove Odluke uplaćuju se na Depozitni račun Budžeta Kantona Sarajevo, sa naznakom budžetske organizacije koja pruža uslugu, vrsta prihoda 722429 - ostale kantonalne naknade.

V

Danom stupanja na snagu ove Odluke prestaju da važe svi akti kojima je do sada bila propisana visina naknade za realizaciju usluga Ministarstva za obrazovanje, nauku i mlade i budžetske korisnike iz nadležnosti Ministarstva.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-21160-17/17
15. juna 2017. godine
Sarajevo

Premijer
Elmedin Konaković, s. r.

ZAKON O VLADI

SLUŽBENE NOVINE KANTONA SARAJEVO

Broj 36 – Strana 4

Četvrtak, 11. septembra 2014.

VII - AKTA VLADE KANTONA

Član 26.

Vlada Kantona u ostvarenju svojih nadležnosti utvrđenih ustavom donosi uredbе, odluke, rješenja i zaključke.

Član 27.

Izuzetno za vrijeme trajanja ratnog stanja ili neposredne ratne opasnosti kada postoji objektivna nemogućnost da se sazove Skupština Kantona, Vlada može donositi i propise iz nadležnosti Skupštine Kantona.

Propisima iz stava 1. ovog člana ne mogu se staviti van snage prava i slobode utvrđene ustavom i drugim propisima.

Propise iz stava 1. ovog člana Vlada će dostaviti Skupštini na potvrdu čim ona bude u mogućnosti da se sastane.

Član 28.

Uredbom se uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.

Član 29.

Uredbe i odluke Vlade Kantona objavljuju se u "Službenim novinama Kantona Sarajevo", a ostali akti Vlade ako je to u njima navedeno.

VIII - JAVNOST RADA VLADE KANTONA

Član 30.

Javnost rada Vlade Kantona obezbjeđuje se u skladu sa zakonom kojim se reguliše sloboda pristupa informacijama u Federaciji Bosne i Hercegovine.

IX - STRUČNE I DRUGE SLUŽBE KANTONA

Član 31.

Za obavljanje stručnih i drugih poslova za potrebe Skupštine Kantona, Vlade Kantona i organa uprave, Vlada Kantona može osnivati određene stručne, tehničke i druge službe, kao zajedničke ili samostalne službe, u skladu sa zakonom.

Aktom o obrazovanju službe iz prethodnog stava, utvrđuje se njen djelokrug, kao i status i odgovornost te službe i lica koje njom rukovodi.

Član 32.

Vlada Kantona vrši nadzor nad radom stručnih službi koje obrazuje.

Sekretar Vlade Kantona rukovodi radom Stručne službe koja obavlja poslove za potrebe Vlade Kantona i odgovoran je za njen rad.

X - PRELAZNE I ZAVRŠNE ODREDBE

Član 33.

Vlada Kantona je dužna donijeti Poslovnik o svom radu u roku od 30 dana od svog konstituisanja.

Član 34.

Vlada Kantona Sarajevo dužna je uskladiti Poslovnik o radu sa odredbama Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u roku od 30 dana od dana njegovog stupanja na snagu.

Član 35.

Poslovnik Izvršnog odbora Grada Sarajeva i drugi propisi koji se odnose na njegovo unutrašnje organizovanje i funkcionisanje, koji su na snazi na dan stupanja na snagu Zakona o Vladi Kantona Sarajevo ("Službene novine Kantona Sarajevo", broj 7/96), ukoliko nisu u suprotnosti sa Ustavom Kantona i ovim zakonom, primjenjivaće se kao propisi Vlade, dok se ne donese Poslovnik o radu Vlade Kantona.

Član 36.

Do imenovanja premijera i članova Vlade u skladu sa Zakonom o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 4/01), poslove iz nadležnosti Vlade vršit će Vlada u dosadašnjem sastavu.

Član 37.

Ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o Vladi Kantona Sarajevo.

Član 38.

Zakon o izmjenama i dopunama Zakona o Vladi Kantona Sarajevo stupio je na snagu osmog dana od dana objavljivanja u "Službenim novinama Kantona Sarajevo", broj 38/13.

Na osnovu člana 16. Zakona o izmjenama i dopunama Zakona o sudskim taksama ("Službene novine Kantona Sarajevo", broj 18/14) i člana 181. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno - pravna komisija Skupštine Kantona Sarajevo, na sjednici 22.08.2014. godine, utvrdila je Prečišćeni tekst Zakona o sudskim taksama.

Prečišćeni tekst Zakona o sudskim taksama obuhvata: Zakon o sudskim taksama ("Službene novine Kantona Sarajevo", broj 21/09), Zakon o izmjenama i dopunama Zakona o sudskim taksama ("Službene novine Kantona Sarajevo", broj 29/09), Zakon o izmjeni Zakona o sudskim taksama ("Službene novine Kantona Sarajevo", broj 14/11), Zakon o izmjenama Zakona o sudskim taksama ("Službene novine Kantona Sarajevo", broj 36/13) i Zakon o izmjenama i dopunama Zakona o sudskim taksama ("Službene novine Kantona Sarajevo", broj 18/14), u kojim je naznačen dan stupanja na snagu tih zakona.

Broj 01-05.22971-2/14
22. augusta 2014. godine
Sarajevo

Po ovlaštenju
Esad Hrvaičić, s. r.

ZAKON O SUDSKIM TAKSAMAMA (Prečišćeni tekst)

DIO PRVI. OPĆE ODREDBE

Član 1.

(Plaćanje sudske takse)

- (1) Ovim zakonom utvrđuje se način plaćanja sudskih taksa (u daljnjem tekstu: takse) u postupku pred Kantonalnim sudom u Sarajevu i Općinskim sudom u Sarajevu (u daljnjem tekstu: sud).
- (2) Postupci u kojima se plaća taksa i visina takse za pojedine radnje, utvrđeni su u Tarifi sudskih taksi, koja je sastavni dio ovog zakona.

Član 2.

(Obveznik plaćanja takse)

- (1) Takse propisane ovim zakonom plaća lice po čijem zahtjevu ili u čijem interesu se preduzimaju radnje u postupku, za koje je ovim zakonom utvrđeno plaćanje takse (u daljnjem tekstu: taksenik obveznik).
- (2) Za podneske i zapisnike koji zamjenjuju podneske taksu je dužno da plati lice koje podnosi podneske i lice na čiji zahtjev